

四庫全書

史部

欽定四庫全書

皇朝通志卷四十八

謚畧一

臣等謹按謚法始于成周歷代因之各有增損鄭樵作謚畧列為二百有十品前後繫以諸論考核綦詳臣等恭讀

御製詠謚法詩案語

嘉許鄭樵成周初無惡謚之論

聖訓煌煌昭如日月洵千古謚法之折衷也伏攷前代
議謚多委太常博士諸臣定之往往失當未有如
本朝謚典之悉稟

上裁斟酌盡善者洪惟

列祖

列宗聖德神功

列后徽音令德昭融顯懿卓躒前古書之史冊允矣熙

鴻號于萬年至若諸王貝勒及內外大臣之例得請者禮

臣先以應否予謚奏俟得

旨後閣臣擬以四字恭候

欽定迥非前代議謚議駁聚訟糾紛者比又有以文臣
品學而追謚者有以監司守令盡節而獲謚者又
如改正前史之失追謚勝國之君皆為

特典我

世祖章皇帝定鼎之初即下所司定明季甲申諸臣之謚
皇上表彰忠烈復

特頒諭旨于故明殉節諸臣分析褒獎

賜以令謚尤為從古未有之曠典臣等敬謹纂輯謚畧

八卷用備考稽昭掌故焉

列聖尊謚

肇祖原皇帝

興祖直皇帝

景祖翼皇帝

顯祖宣皇帝

俱順治五年十一月追尊恭上

崇德元年四月丙戌

太宗文皇帝率諸貝勒大臣詣

太廟追尊

始祖為

澤王

高祖為

慶王

曾祖為

昌王

祖為

福王順治五年十一月戊辰以奉

四祖入

廟

世祖章皇帝親詣

太廟追尊為

肇祖原皇帝

興祖直皇帝

景祖翼皇帝

顯祖宣皇帝恭上

冊

寶

太祖承天廣運聖德神功肇紀立極仁孝睿武端毅欽安

弘文定業高皇帝

乾隆元年三月恭加上

崇德元年四月丙戌

太宗文皇帝率諸貝勒大臣詣

太廟恭上

覆育列國英明皇帝

尊謚曰

承天廣運聖德神功肇紀立極仁孝武皇帝

廟號

太祖康熙元年四月丙辰恭加上

尊謚曰

太祖承天廣運聖德神功肇紀立極仁孝睿武弘文定業
高皇帝雍正元年八月己酉恭加上

端毅二字乾隆元年三月乙巳恭加上

欽安二字

康熙六十一年十二月

世宗憲皇帝諭禮部曰朕仰荷

祖宗眷佑繼承大統恭上

皇考聖祖仁皇帝

尊謚敬念

太祖高皇帝

太宗文皇帝

世祖章皇帝

三聖相承

功高德盛載考典章加上

尊謚因念

孝莊太皇太后翼運啟期育成

兩帝朕在沖齡備膺

慈愛

孝康皇太后誕育

先皇

懿徽流慶

孝惠皇太后德隆福厚篤愛朕躬朕意亦宜並加

尊謚但追尊固出至情而推崇必遵定禮爾等可稽考載籍酌古準今會同確議具奏俾朕得稍展思慕之誠又

念

仁孝皇后作配

皇考孝敬寬仁坤儀懋著

孝昭皇后恪恭溫順樹範宮闈

孝懿皇后徽音淑淑德慈撫朕躬恩勤備至均應恭上

尊謚以昭示萬年爾等一併會同詳察典例擬奏遵

旨議上

太祖高皇帝尊謚於

睿武字下加

端毅二字雍正元年八月己酉恭上

冊

寶雍正十三年九月乙巳

皇上諭禮部曰尊

祖孝

親誼應並重報本追遠禮有加隆茲者恭上

皇考大行皇帝尊謚緬維詒燕之謨宜備追崇之典

太祖高皇帝

太宗文皇帝肇造洪基創垂大業

世祖章皇帝統一方夏撫有萬邦駿烈鴻猷敷揚莫罄

皇祖聖祖仁皇帝深仁厚澤淪浹寰區久道化成功齊覆

載朕自沖齡仰蒙

慈愛

宮庭撫育厚眷獨鍾仰思

至德之難名恒念

洪恩之莫報夫宗廟之徽稱有制而報本之忱悃無窮應
詳查典禮酌古準今恭議加上

太祖

太宗

世祖

聖祖尊謚以展孝思此朕追慕之至情崇先之特典後世
子孫不得奉為成式又敬念

列祖尊謚既已加崇

列后尊謚並應恭議加上爾部詳酌典禮一併敬謹具奏
遵

旨議上

太祖高皇帝尊謚於

端毅字下加

欽安二字乾隆元年三月乙巳恭上

冊

寶

太宗應天興國弘德彰武寬溫仁聖睿孝敬敏昭定隆道

顯功文皇帝

乾隆元年三月恭加上

順治元年十月辛酉恭上

寬溫仁聖皇帝

尊諡曰

應天興國弘德彰武寬溫仁聖睿孝文皇帝

廟號

太宗康熙元年四月丙辰恭加上

隆道顯功四字雍正元年八月己酉恭加上

敬敏二字乾隆元年三月乙巳恭加上

昭定二字

世祖體天隆運定統建極英睿欽文顯武大德弘功至仁

純孝章皇帝

乾隆元年三月恭加上

順治十八年正月己未

聖祖仁皇帝諭禮部曰朕惟自古聖賢之君必有顯號徽稱用昭功德之隆垂于萬世此國家不易之鉅典也仰

惟我

皇考大行皇帝繼紹鴻緒統一寰區十有八年敬

天尊

祖勤政愛民奉侍

慈闈克諧孝道敦睦宗族攸叙彝倫典學日新修身思永
制禮作樂振武崇文敕法明刑立綱陳紀盛德之事不
一而足朕方與天下臣民均切怙戴不幸

龍馭上賓顧予沖人嗣膺大統仰承

佑啓之恩敢後顯揚之禮謹考彝章宜升

尊謚戊寅親王等上

大行皇帝尊謚議曰謹按自古有天下者祖有功而宗有德故凡勲高大定功垂奕葉者類皆稱祖以尊之其廟祀百世弗祧此世所由稱也又按謚法法度大明敬慎高明曰章洪惟

大行皇帝神武止戈崇文勸學恩澤覃敷于庶物孝治立極于人倫德固懋昭功尤隆著是以化行教洽遠

至邇安生民以來莫斯為盛臣等謹咨羣議載考
彝章

大行皇帝尊諡宜

天錫之曰

體天隆運英睿欽文大德弘功至仁純孝章皇帝

廟號

世祖得

旨是著該衙門擬撰冊文進覽三月癸酉恭奉

冊

寶上

尊諡雍正元年八月己酉恭加上

定統建極四字乾隆元年三月乙巳恭加上

顯武二字

聖祖合天弘運文武睿哲恭儉寬裕孝敬誠信中和功德

大成仁皇帝

乾隆元年三月恭加上

康熙六十一年十一月辛丑

世宗憲皇帝諭王大臣等曰朕惟自古聖賢之君必有顯
號徽稱以昭功德之盛垂于萬世此國家不易之鉅典也
仰惟我

皇考大行皇帝臨御六十一年早承大統寅畏小心旦明
凜昭格之忱

郊祀親升中之典監于成憲率由舊章孝奉

兩宮尊養兼至展敬

陵

廟備物盡誠總攬萬幾阜成兆姓蠲賦動盈千萬賑恤曾
不稽時水旱先籌雨暘必達寬刑肆赦德洽好生盛暑
則釋囹圄嚴寒則賑饘粥兵糧豫給優賞屢頒淮甸屢
巡動數百萬之帑金運

睿謀而兩河底績魯郊

特幸行數十年之殊禮屈

帝尊而九拜崇師覽奏牘而利弊周知覲臣僚而賢愚立
辨保全勲舊庇蔭宗支廣育人才敦厚風俗布昭

聖武申討不庭元裔背叛而旋踵就殲三孽逆命而刻期
獻馘俄羅斯占喀爾喀之疆圉諭以威德即奉約章喀
爾喀逼厄魯特之殘暴納其困窮胥登衽席噶爾丹肆
毒鄰境三臨絕漠掃靖烽烟策妄阿喇布坦摧滅與國
出師命將恢復藏地臺灣置郡紅苗革心南朔東西無
思不服至于

天縱生知日新好學講筵時御

手定六經廣博士于五賢配先儒于十哲文婉二典書邁

百家貫徹天文總括地理旁羅數術考正元聲研索羣編鑒裁纂輯凡此難名之美善洵亘古帝王首出之

一人雖復累牘連章不能紀述萬一朕方與天下臣民均

切怙戴不意

龍馭上賓顧予沖人嗣膺大統仰承

佑啓之恩敢後顯揚之禮敬考彝章宜升

尊謚爾部詳察典禮具奏乙巳總理事務王大臣等奏

大行皇帝

尊謚

廟號乃追崇大典臣等管窺蠡測未能仰盡高深恭祈
睿思

親定以昭垂萬世

世宗憲皇帝召進總理事務親王大臣大學士尚書等
面諭曰恭上

皇考大行皇帝

尊謚

廟號諸王大臣等請朕親定朕思子臣尊崇

君父之心何有止極然必須至允至當方孚千秋定論若
少有溢美之詞不獨失天下之至公且開後人之僭越
是因臣子之愚忠愚孝反將

君父盛德大業之實行涉于贊頌之虛文朕心殊不安也
我

皇考大行皇帝纘繼大統舊典本應稱宗但經云祖有功
而宗有德我

皇考鴻猷駿烈冠古轍今拓宇開疆極于無外且六十餘年

手定太平德澤溥萬國來王論繼統則為守成論勲業則實為開創朕意宜崇

祖號方副

豐功但追崇大典攸闕理宜僉謀共協一人之心即千萬人之公心一時之論即千萬世之公論爾諸王大臣等可會同九卿詹事科道文六品以上武四品以上詳考

舊章從公確議毋得依違毋得附和務期紀實以垂萬年若少有幾微未協知而不言則大非臣子忠愛之道

王等文武諸臣議奏

大行皇帝功德巍煥高出三代以上之聖主賢君雖集古今之徽名美號猶不足表揚萬一

大行皇帝聖學淵深言成謨典尊師崇道

手定六經禮正樂成誕敷文教此堯之文思也聲靈所震

無思不服開拓宇宙混同車書不庭旋服逆命即

收止戈包革天下宴安此湯之神武也明四目達
四聰無遠不周無微不燭知來藏往觀化窮神此
舜之濬哲也一日萬幾孜孜無倦深宮燕處不敢
康寧盛暑必衣冠嚴冬必聽政此堯之允恭也玉
食不盈數器御衣常至十年物用無金壁之裝宮
殿無繁華之飾此禹之克儉也蠲賦免徭緩刑恤
獄澤厚宗支賞優士伍秉中和之性具含容之量
小過多原寸長不棄六十餘年民物各遂其生者

皆

大行皇帝寬裕之恩也定省

兩宮時日無間奉養備至禮數兼隆此

大行皇帝承歡之大孝也恢

三朝之功烈弘一統之規模區夏咸寧聲教四洽此

大行皇帝繼述之大孝也寅畏小心恪勤克慎

躬親

郊祀嚴肅致齋此

大行皇帝之敬

天也憲章典訓對越

在

天

廟祭致虔如臨左右此

大行皇帝之敬

祖也健行無息成已成物精意由中修詞立本出教施令

達乎民心此

大行皇帝之誠也虛已待物不逆詐偽履常思順不爽片

言此

大行皇帝之信也具仁義禮智信之全備溫良恭儉讓之
美自堯舜以來未有如

大行皇帝德之盛者八表宅心九有向化西北部落輻輳
藁街東南諸蕃頓顙

闕下兩河底績成萬年永濟之勲海外咸朝開萬里難
通之域自堯舜以來未有如

大行皇帝功之大者

天

地化育有未周者

大行皇帝實贊之

祖

宗經綸有未竟者

大行皇帝實弘之孔子集千聖之大成

大行皇帝集百王之大成也臣等謹按傳云為人君止於

仁禮運曰仁者義之本順之體也得之者尊說文云在天為元在人為仁故易曰元者善之長仁者德之首

大行皇帝體元立政茂育羣生以義制事綏安兆姓臣等竊謂史稱帝堯其仁如天惟

大行皇帝實與並之又按禮經云有虞氏禘黃帝而郊嚳祖顓頊而宗堯而尚書舜典云舜格于文祖釋者謂文祖堯廟也又歸格于藝祖釋者謂藝祖堯之

祖也合之祖顓頊之文則有虞氏蓋有三祖矣宋臣陳祥道云凡配天者皆得稱祖故國語展禽又有有虞氏祖高陽而郊堯之說堯所以稱文祖也顓頊至堯皆黃帝子孫而不嫌于皆稱祖又周禮大宗伯禘祫追享朝享解云古者朝廟合羣祖而祭焉故禘謂之朝享以合羣祖為不足又禘其祖之所自出故禘謂之追享夫祖之所自出始祖也而其下曰羣祖知自始祖以下皆稱祖矣自唐虞

夏商無追王先代之文而武王周公追王太王王季以臣子而王其君祖孔子稱為達孝故記曰武王上治祖禰尊尊也又諡議曰帝王功業隆盛引古者祖有功之義得稱祖此皆經書所載稽考可據者也竊謂惟

聖字可以贊揚

大行皇帝之峻德惟

祖號可以顯彰

大行皇帝之隆功

上諭謂

大行皇帝論繼統則為守成論勲業實為開創朕意宜崇
祖號方副

豐功此非

皇上及諸臣數百之心實天下億兆之公心亦非今日
在廷諸臣之論實千萬世之公論也臣等公擬敬

上

尊諡曰

合天弘運文武睿哲恭儉寬裕孝敬誠信功德大成仁皇帝

廟號曰

聖祖天下萬世稱曰

聖祖仁皇帝奉

旨諸王大臣官員深悉我

皇考一生神聖實行同心合詞恭上

尊稱甚愜朕懷朕之哀思庶可稍釋

諭畢

世宗憲皇帝親刺指血圈本內

聖祖二字敬恭高捧授大學士等齎出宣示羣臣雍正元

年二月乙巳恭奉

冊

寶上

尊諡乾隆元年三月乙巳恭加上

中和二字

世宗敬天昌運建中表正文武英明寬仁信毅大孝至誠

憲皇帝

雍正十三年十一月恭上

雍正十三年九月己亥

皇上登極庚子

諭禮部曰自古聖帝明君功德大成必有顯號徽稱所以昭垂萬世典至鉅也我

皇考大行皇帝乘乾建極撫御萬邦錫福誠民德化翔洽

虔恭寅畏昭事

蒼穹郊祀祈年必親必敬欽承

祖烈光大前猷至孝肫誠千古未有當

皇祖上賓時盡制盡哀喪儀隆備

親送

梓宮

屢謁

陵寢歲時瞻拜

御容舉念常伸孺慕繼

顯謨之盛推錫類之仁

宸衷祇敬則朝乾夕惕歷久彌勤

親政憂勞則盛暑祁寒未嘗稍間整綱飭紀明目達聰施
措咸宜德威並用篤宗室則立學以隆教育惠八旗
則錫帑以備吉凶厚臣工而加俸養廉眷忠良而建
祠賜祭勵庶能以察吏宏薦拔以羅才廣耜田以重
農桑定品式以崇節儉重道則

經筵歲舉愛士則科目頻加隆

先師五代之王封新闕里千秋之廟貌修明典禮懷柔
百神厚植綱常旌揚節孝蠲逋減賦不惜億萬之帑
金開壘築堤永享萬年之樂利備賑則廣行積貯養
兵則優贍身家律例則釐定科條讞決則特詳咨酌
廣開言路詳示

硃批洞鑒羣情慮周六合大閱以詰戎兵訓練以修武備
睿謨獨運而小醜立奏蕩平

聖武布昭而荒徼永圖綏靖開天明道

聖學高深覺世牖民

宸章炳煥闡聖賢之精蘊宣心性之圓機函蓋古今彪爍

宇宙

天心協應有感必通德盛化神諸瑞畢至古帝王之良法

善政至

皇祖而集其大成我

祖

宗之駿烈鴻猷迨

皇考而益彰善述眇予冲子寅奉丕基仰惟

功德之隆宜備尊崇之典敬循禮制恭上

尊諡

廟號爾部詳察典禮具奏是日禮部奏謹查康熙六十一

年恭上

聖祖仁皇帝

尊諡

廟號奉

大行皇帝諭旨以追崇大典攸關理宜僉謀共協令諸王大臣等會同九卿詹事科道文官六品以上武官四品以上詳考舊章從公確議今

大行皇帝

尊謚

廟號禮制崇重臣等謹遵舊典仍請會同諸王大臣齊集廷臣詳慎公議昭垂萬世奉

諭旨是敬謹確議具奏是月乙巳王等文武諸臣議奏
自古帝王撫馭寰區功德隆盛有博厚高明之實
則必有隆燦顯懿之名是故于堯曰欽明文思于
舜曰濬哲文明所以著盛德之形容而垂萬年之
軌則也欽惟

大行皇帝丕冒八埏曲成萬物有與

天同體之德有敬

天行健之功祇奉

郊壇必親薦享端居宮禁亦凜明威暘雨偶愆齋心而默
禱嘉祥屢告讓美而弗居昭事存乎旦明感通捷
於影響當

天庥之滋至繇

景運於方隆撫

列聖式廓之版章益漸之以聲教取四海咸熙之臣庶更
霈之以恩膏安愈求安

聖不自聖惟精惟一建中于民克儉克勤表正自上執權

衡以御物偏黨之習潛消定模範以示人仁讓之風溥洽官常于是而肅士品于是而端民俗于是而淳物情于是而暢嘉禾芝草醴泉慶雲之瑞充塞于寰中荷蘭日本暹羅蘇祿之琛輻輳乎

闕下凡此運會之彌昌彌熾皆由

聖德之可法可傳至乃學貫天人辭成典誥敷治平之大道闡性命之微言歲舉

經筵首詣太學新闕里千秋之廟貌隆

先師五代之王封廣勵膠庠修明典禮定宗學之制
開

國書之科博訪鴻儒徧立書院

大行皇帝之誕敷文教有如此者惟仁必勇不怒而威選
將悉有用之材練兵于無事之日

天戈所指青海獻俘

帝命甫申西陲納款化蠻荒為郡縣靖蕃落于邊隅

大行皇帝之布昭聖武有如此者志邁百王心通庶務事

無難易銳若發機人有忠邪洞如觀火謀畧出羣
工之上照臨周六合之遙

大行皇帝之英姿天挺明睿夙成有如此者坦懷應物博
愛為心不以一眚棄才不使一夫失所惇叙九族
容保萬方厚百官而倍與廩糈惠八旗而時加恤
賚閭井必預謀其樂利兵丁各優贍其身家減賦
蠲逋不惜帑金之億萬詳刑讞獄允釐令典之三
千盛暑而曲貸囚徒小褻而徧賑貧戶

大行皇帝之寬則得衆仁以長人有如此者道循物而無
違德有常而不息本實心以宣為政令春溫秋肅
儼如四序之罔愆由定力而發為憂勤旰食宵衣
不以片時而少斁

大行皇帝之信必由中毅以持久有如此者經曰聖人之
德無以加于孝我

大行皇帝昔在藩封晨昏盡禮及傳丕緒哀敬竭情

親送

梓宮

屢謁

陵寢三載始還吉服四時恒拜

御容體

聖祖之心以為心法

聖祖之政以為政耕藉著為定例爰奉

太廟之業盛賢良建有專祠尤

眷先朝之耆舊德教加于百姓孺慕極于終身大烈光前

貽謀昌後孔子稱虞舜曰大孝惟

大行皇帝足以當之若夫誠者天之道也成已成物之全
德也我

大行皇帝以此享

帝享

親以此盡心盡性以此用人行政以此覺世牖民諸臣敬
奉之

殊批萬國共聞之

諭旨固已言之諄復莫不凜為典章暨夫

龍馭上賓

特頒遺詔敬聆至誠之

訓仰思無間之

功

聖學高深渾然一理

神明沖穆儼在重霄子思曰惟天下至誠為能經綸天下

之大經立天下之大本知天地之化育惟

大行皇帝足以當之夫中以宅心正以體政文以敷化武以定功英以決疑明以燭理寬以居之仁以行之信以成之毅以守之而皆本之于大孝運之以至誠此洵

聖德之全與

天同體可為萬世法者也臣等按虞書曰率作興事慎乃憲書傳曰憲法也說命曰惟天聰明惟聖時憲又曰監于先王成憲周禮疏曰懸法以示人曰憲中

庸亦云憲章文武蓋惟憲天立教之聖人然後能
慎法度興政事俾萬世奉為成憲守而不忘若虞
舜商湯周之文王武王皆是也竊謂

大行皇帝

尊謚于憲為宜又按禮記祖有功宗有德是故有虞氏祖
顓頊而宗堯夏后氏祖顓頊而宗禹商人祖契而
宗湯周人祖文王而宗武王周公作無逸則稱商
有三宗周文武之廟並稱世室公羊傳曰世世不

毀也中庸曰君子動而世為天下道行而世為天下法言而世為天下則竊惟

大行皇帝

廟號宜稱

世宗與

太祖

太宗

世祖

聖祖並為百世不祧之廟臣等公擬敬上

尊諡曰

敬天昌運建中表正文武英明寬仁信毅大孝至誠憲皇帝

廟號曰

世宗天下萬世稱曰

世宗憲皇帝足以顯揚

大德表著

魏功與日月而齊光偕山河而並永矣謹奏奉

諭旨諸王大臣公同議上

皇考大行皇帝

尊諡曰

憲皇帝

廟號

世宗於我

皇考至德鴻猷實相符合禮稱祖有功宗有德廟號之稱

祖稱宗均屬尊崇之極而象功昭德惟期允當方協
至公昔我

皇祖聖祖仁皇帝久道化成身兼創守平定逆藩掃清朔
漠神功駿烈自古莫與比隆

廟號定應稱祖

皇考大行皇帝善繼善述敬

天勤民十三年來宵旰憂勞咸熙庶績貽萬年之景福固
百代之丕基

廟號

世宗正合古宗有德之義上配

列祖百世不祧此乃天下萬世之定論非在廷諸臣尊崇

君父敷揚稱頌之私情尤非朕一人哀感

隆恩表彰

盛德之私願所能強置一詞也在我

皇考神謨垂于宇宙厚澤洽于臣民即罄竭揄揚難盡萬

一今據所奏敬擬上

尊諡

廟號詳慎公當足以昭示萬年朕心深為慰愜所有應行

典禮該部敬謹查議具奏十一月丁未恭奉

冊

寶上

尊諡

皇朝通志卷四十八

欽定四庫全書

皇朝通志卷四十九

謚畧二

列后尊謚

原皇后

直皇后

翼皇后

宣皇后

俱順治五年十一月追尊恭上

孝慈昭憲敬順仁徽懿德慶顯承天輔聖高皇后

乾隆元年三月

恭加上

崇德元年四月丙戌恭上

孝慈昭憲純德貞順成天育聖武皇后尊謚康熙元年恭

改上

尊謚曰

孝慈昭憲敬順慶顯承天輔聖高皇后雍正元年八月己

酉恭加上

仁徽二字乾隆元年三月乙巳恭加上

懿德二字

孝端正敬仁懿哲順慈禧莊敏輔天協聖文皇后

乾隆元年三月

恭加上

順治七年二月丁酉恭上

孝端正敬仁懿莊敏輔天協聖文皇后尊謚雍正元年八

月己酉恭加上

哲順二字乾隆元年三月乙巳恭加上

慈禧二字

孝莊仁宣誠憲恭懿至德純徽翊天啟聖文皇后

乾隆元年三月

恭加上

康熙二十七年正月辛巳

聖祖仁皇帝諭禮部曰

大行太皇太后聖德母儀昭示萬國昔奉我

皇祖太宗文皇帝贊宣內政誕育我

皇考世祖章皇帝顧復劬勞受無疆休大一統業朕踐阼

方在沖齡仰荷我

聖祖母訓誨恩勤以至成立晨昏依戀三十餘年方期享遐齡茂膺繁祉詎意適遭違豫奄忽上賓朕哀疚之深五中摧絕昊天罔極報德實難緬惟厚澤深仁信足炳傳簡冊非薦隆號莫展哀誠宜恪遵彝憲恭上

尊謚垂示無窮以慰朕尊親之意著內閣翰林院詹事府會同擬奏其應行典禮爾部詳議以聞內閣等衙門恭擬

尊謚二道進呈奉

旨應上

太皇太后尊謚曰

孝莊仁宣誠憲恭懿翊天啟聖文皇后十月乙卯恭上

尊謚雍正元年八月己酉恭加上

至德二字乾隆元年三月乙巳恭加上

純徽二字

孝惠仁憲端懿慈淑恭安純德順天翊聖章皇后

乾隆元年三月

恭加
上

康熙五十六年十二月己亥大學士馬齊嵩祝李
光地蕭永藻王揆奏查康熙二年恭上

慈和皇太后尊謚內閣翰林院擇二十四字分為兩條具

奏奉

旨尊為

孝康慈和莊懿恭惠崇天育聖今恭上

大行仁憲恪順誠惠純淑端禧皇太后尊謚臣等會同翰

林院依例敬擇具奏奉

旨此奏甚屬錯誤爾等恭瞻

太廟

奉先殿二位

文皇后神主便知其誤矣庾子大學士等奏臣等遵

旨恭詣

太廟謹瞻

神位見

孝端

孝莊兩太皇太后並從

太宗文皇帝廟號俱有文字臣等愚昧查康熙二年

慈和皇太后尊謚舊檔僅擬

尊謚字樣具奏未將康熙九年奉

旨

慈和皇太后從

世祖章皇帝廟號升祔

太廟之例不以

章皇后字樣一併寫出甚屬錯誤因將所擬字內敬寫章皇后字樣具奏得

旨此事不比尋常但聲明錯誤則已該部嚴察具奏所擬尊謚亦未明晰朕記

太皇太后徽號字樣甚多即就原

徽號字內刪減擬定並未改換今通行改擬恐於例有不

合丙午大學士等奏臣等恭查舊檔

太皇太后徽號原有

昭聖慈壽恭簡安懿章慶敦惠溫莊康和仁宣弘靖二十

字

賓天之後恭上

尊謚將原字減去十五字留五字又添擬七字尊為

孝莊仁宣誠憲恭懿翊天啟聖文皇后升祔

太廟

慈和皇太后徽號原有

慈和二字後尊為

孝康慈和莊懿恭惠崇天育聖皇后康熙九年升祔
太廟時添寫

章字

大行皇太后徽號原有

仁憲恪順誠惠純淑端禧十字今欽遵

上諭照追上

太皇太后尊謚例將原字內留五字添擬七字尊為

孝惠仁憲端懿純德順天翊聖章皇后又將原字內留四字添擬八字尊為

孝惠仁憲莊定端純順天翊聖章皇后恭候
皇上訓示得

旨前一條所擬是五十七年三月辛酉恭上
尊謚雍正元年八月己酉恭加上

慈淑二字乾隆元年三月乙巳恭加上

恭安二字

孝康慈和莊懿恭惠溫穆端靖崇天育聖章皇后

乾隆元年三月

恭加
上

康熙二年五月甲午恭上

大行慈和皇太后尊謚曰

孝康慈和莊懿恭惠崇天育聖皇后康熙九年二月庚戌

聖祖仁皇帝諭禮部曰

慈和皇太后誕育朕躬未遂孝養思慕之忱每切于懷雖

已上

尊謚但今升祔

太廟配食

皇考典禮關係重大其應進

謚號著議政王貝勒大臣九卿科道會同詳議具奏是月

丁巳議政王等恭議

太祖高皇帝

皇后稱

高皇后

太宗文皇帝

皇后稱

文皇后今

慈和皇太后配祀

世祖章皇帝前上

孝康慈和莊懿恭惠崇天育聖尊謚亦宜加上

尊謚為

章皇后得

旨是五月丙辰朔恭加上

尊謚雍正元年八月己酉恭加上

溫穆二字乾隆元年三月乙巳恭加上

端靖二字

孝誠恭肅正惠安和淑懿儷天襄聖仁皇后

乾隆元年三月恭加上

康熙十三年五月辛未

聖祖仁皇帝諭禮部曰皇后赫舍哩氏作配朕躬已經六

載上事

太皇太后

皇太后克盡誠孝佐朕內治尤極敬勤節儉居身寬仁逮
下宮闈式化淑德彰聞茲于康熙十三年五月初三日
崩逝惓懷懿範痛悼彌深宜有稱謚以垂永久著內閣
翰林院會同擬奏應行典禮爾部詳察以聞大學士等
恭議上

尊謚曰

仁孝皇后得

旨是六月庚申行

冊謚禮康熙六十一年十二月追上

尊謚曰

仁孝恭肅正惠安和儷天襄聖皇后雍正元年四月改上

尊謚曰

孝誠恭肅正惠安和儷天襄聖皇后九月庚辰恭加上

尊謚曰

孝誠恭肅正惠安和儷天襄聖仁皇后乾隆元年三月乙

已恭加上

淑懿二字

孝昭靜淑明惠正和安裕欽天順聖仁皇后

乾隆元年三月恭加上

康熙十七年三月癸酉

聖祖仁皇帝諭禮部曰皇后鈕祜祿氏端懿夙著作配朕躬奉事

太皇太后

皇太后恪恭婉順殫竭孝忱正位宮闈節儉寬仁克襄內

治芳型伊始淑德彌彰茲于康熙十七年二月二十六日崩逝追念壺儀良深痛悼宜有稱謚以垂永久著內閣翰林院會同擬奏其應行典禮爾部詳察速議具奏大學士等恭議上

尊謚曰

孝昭皇后得

旨依議閏三月辛酉行

冊謚禮康熙六十一年十二月恭上

尊諡曰

孝昭靜淑明惠正和欽天順聖皇后雍正元年九月庚辰

恭加上

仁字乾隆元年三月乙巳恭加上

安裕二字

孝懿溫誠端仁憲穆和恪奉天佐聖仁皇后

乾隆元年三月恭加上

康熙二十八年七月壬寅

聖祖仁皇帝諭禮部曰皇后佟氏淑德夙成芳徽懋著侍

奉

皇太后克盡孝誠撫育諸子悉均慈愛禔躬敬慎御下寬
仁式備儀型宮闈胥化頃遵

慈諭作配朕躬尚期內治之永襄何意沉疴之難起茲於
康熙二十八年七月初十日崩逝惓懷懿範痛悼良深
宜有稱謚以垂永久著內閣翰林院會同擬奏其應行
典禮爾部詳查速議以聞尋大學士等恭議上

尊謚曰

孝懿皇后得

旨依議九月乙卯行

冊謚禮康熙六十一年十二月恭上

尊謚曰

孝懿溫誠端仁憲穆奉天佐聖皇后雍正元年九月庚辰

恭加上

仁字乾隆元年三月乙巳恭加上

和恪二字

孝恭宣惠溫肅定裕慈純贊天承聖仁皇后

乾隆元年三月恭加上

雍正元年五月甲辰

世宗憲皇帝諭曰朕惟尊親之典首重易名聖善之修必
崇顯號我

皇妣大行皇太后端莊恭肅慈惠安和奉侍

先皇壺儀茂著誕育冲藐母道備隆顧復恩周命提義盡
寬仁逮下澤洽宮庭謙儉持躬化流禁掖朕繼承大統
嗣服鴻基方期合萬國之歡心奉

慈闈之色養不意遽遭大故

仙馭上昇抱痛銜哀感深罔極惟藉顯揚之典少申孝慕

之誠允宜稽考彛章薦升

尊謚六月丁巳大學士等恭擬上

尊謚曰

孝恭宣惠溫肅定裕贊天承聖仁皇后得

旨是八月己未恭奉

冊

寶上

尊謚乾隆元年三月乙巳恭加上

慈純二字

孝敬恭和懿順昭惠佐天翊聖憲皇后

雍正十三年十一月恭上

雍正九年十月甲午

世宗憲皇帝諭禮部曰皇后納喇氏作配朕躬經四十載奉事

皇祖妣孝惠章皇后

皇考聖祖仁皇帝

皇妣孝恭仁皇后克盡孝忱深蒙

慈愛服膺朕訓歷久而敬德彌純懋著坤儀正位而小心
益至居身節儉待下寬仁慈惠播于宮闈柔順發于誠
悃昔年藩邸內政聿修九載中宮德輝逾耀茲于雍正
九年九月二十九日崩逝惓惟間職襄贊多年追念懿
徽良深痛悼宜加稱謚以永休光著內閣翰林院擬奏
應行典禮爾部詳察議奏特諭癸卯大學士等恭議上

尊謚曰

孝敬皇后得

旨依議十二月己亥行

冊謚禮雍正十三年九月己亥

皇上登極癸卯

諭禮部曰朕惟致治莫先于崇孝徽稱首重于易名天地之覆載同功帝后之尊親一體欽惟

孝敬皇后作配

皇考懋著坤儀孝德夙洽於宮闈仁惠久孚於壺掖朕躬
承顧復備荷

恩慈恭上

皇考大行皇帝尊謚宜並追崇恭上

尊謚以展孝思爾等詳查典禮具奏十一月戊戌總理事
務王大臣會同禮部議上竊惟尊親之典帝后同
稱孝慕之忱顯揚並切溯有妣于殷世祥祉攸凝
紀太妣於周詩徽音永炳矧係

聖代之

母儀宜有加崇之

顯號欽惟

孝敬皇后功符坤載德協乾元篤誠孝於宮庭動循禮則

懋勤勞於壺掖翊贊謨猷溫恭備著夫嘉徽和慎

聿昭其淑德丕宣閭教化啟肅雖共被仁慈恩推

鞠育慶昇平而佐理

帝治彌昭貽福祉以垂庥

孝思倍摯臣等恭遵

諭旨敬考彝章謹擬恭上

尊謚曰

孝敬恭和懿順昭惠佐天翊聖憲皇后伏候

命下之日一切應行典禮交與該衙門敬謹辦理謹奏
奉

旨是依議十一月丙辰恭奉

冊

寶上

尊謚

孝聖慈宣康惠敦和敬天光聖憲皇后

乾隆四十二年三月恭上

乾隆四十二年正月辛卯奉

皇上諭旨

大行皇太后坤元協德懋著徽音四十二年母儀天下尊

養兼隆福德備至實古今史冊所未有今忽遭

仙馭升遐朕心哀痛不能稍釋敬稽典禮宜隆

謚號以表尊崇第

至德難名實非臣下擬議所能切當朕欲親尊為

孝聖憲皇后其令大學士九卿公議可否如是及所有節

次晉加

徽號其中或有按例應行酌減及應增加字樣仍著敬謹
詳議具奏二月己亥大學士等遵

旨議奏臣等伏考歷代母后尊謚自漢明帝始建光烈
之稱厥後典制相仍著於史冊而所上謚號類皆

出於臣下由其徽音令德雖有不同而考禮定名
尚易比擬故也欽惟

大行皇太后誕育

皇躬

母儀天下

備福壽者八十六載

受孝養者四十二年合九州萬國以

尊親萃五世一堂而

欽定四庫全書

皇朝通志
卷四十九

十八

頤樂

鴻稱疊晉

慶典便蕃扶

羣環億兆之臚歡款關集鰈鰲之來賀蠲租錫類而感洽

羣黎偃武集勲而威宣諸徼凡我

皇上之功德巍盛悉由

聖母之美善崇隆敬仰

懿徽與

天無極洵非尋常謚號所得形容萬一惟我

皇上本至孝以定典章宣示

諭旨以

至德難名親尊為

孝聖憲皇后仍令臣等集擬具奏臣等謹按鄭樵通志所

載上謚百三十有一字首以神聖並列考之宋代
有慈聖光獻曹后宣仁聖烈高后雖以聖為謚尚
屬鋪張揚厲之文而于大行受大名之義均有未

當今

大行皇太后之至德實為史牒所未有誠如

諭旨難以名言惟

欽定為

孝聖乃克崇闡

洪儀昭示奕禩揆之古來謚議允為式協輿論詢之在廷

臣寮莫能復贊一詞至歷年恭晉

徽號奉

旨有按例酌減及應增加字樣臣等謹查

孝莊文皇后徽號二十字

孝惠章皇后徽號十字恭上

尊謚時俱敬列十二字今

大行皇太后徽號係十八字臣等遵

旨詳議于

徽號擬用六字又照例增加四字恭上

尊謚曰

孝聖慈宣康惠敦和敬天光聖憲皇后以符禮制謹合詞

具奏伏候

欽定奉

諭旨是依議三月壬午恭奉

冊

寶上

尊謚

孝賢皇后

乾隆十三年
四月恭上

乾隆十三年四月乙卯禮部恭議上

大行皇后

尊謚曰

孝賢皇后奉

旨依議



皇朝通志卷四十九

欽定四庫全書

史部

皇朝通志卷五十三

編修臣錢樾覆勘

總校官編修臣倉聖脉

欽定四庫全書

皇朝通志卷五十

謚畧

追封

皇后謚

孝獻莊和至德宣仁溫惠端敬皇后

順治十七年八月恭上

順治十七年八月甲辰

世祖章皇帝諭禮部曰皇貴妃棟鄂氏於八月十九日薨

逝奉

聖母皇太后諭旨皇貴妃佐理內政有年淑德彰聞宮闈
式化倏爾薨逝予心深為痛悼宜追封為皇后以示褒
崇朕仰承

慈諭特用追封加之謚號謚曰孝獻莊和至德宣仁溫惠
端敬皇后其應行典禮爾部詳察速議具奏丙午禮部
奏行追封禮越三日具

冊

寶追封上謚

皇貴妃謚

愍惠皇貴妃

乾隆八年六月謚

敬敏皇貴妃

雍正元年六月追謚

惇怡皇貴妃

乾隆三十三年四月謚

臣等謹按以上俱

聖祖仁皇帝皇貴妃

敦肅皇貴妃

雍正三年十一月謚

欽定四庫全書

皇朝通志

二

純懿皇貴妃

乾隆五十年二月議

臣等謹按以上俱

世宗憲皇帝皇貴妃

慧賢皇貴妃

乾隆十年四月議

哲憫皇貴妃

乾隆十年四月議

淑嘉皇貴妃

乾隆二十年十二月議

純惠皇貴妃

乾隆二十五年五月議

令懿皇貴妃

乾隆四十年正月議

貴妃諡

臣等謹按會典

貴妃以下無諡奉

特旨者予諡

溫僖貴妃

康熙三十四年十一月諡

臣等謹按以上

聖祖仁皇帝貴妃

妃諡

敏惠恭和元妃

崇德六年十月謚

臣等謹按以上

太宗文皇帝妃

皇子謚

皇長子追封和碩定親王永璜謚安

乾隆十五年三月謚

皇二子追封

皇太子永璉謚端慧

乾隆三年十月謚

皇四子多羅履郡王永璘謚端

乾隆四十二年三月謚

皇五子和碩榮親王永琪謚純

乾隆三十一年三月謚

皇七子永琮謚悼敏

乾隆十三年正月謚

公主謚

臣等謹按會典

公主無謚奉

特旨者予謚

端獻長公主

康熙二十年十月謚

端順長公主

康熙二十年十月謚

和碩親王諡

和碩禮親王代善諡烈

康熙十年六月追諡

和碩鄭親王濟爾噶朗諡獻

康熙元年二月諡

和碩睿親王多爾袞諡忠

乾隆四十三年正月追諡

乾隆四十三年正月奉

諭旨睦親彰善王政宜先繼絕昭屈聖經所重朕自臨

御以來間日恭閱

列祖

列宗實錄一冊因得備知

祖宗創業艱難及爾時懿親蓋臣勤勞佐命底定中原偉
伐殊功實為從古所未有而當時策勲錫爵榮號崇
封所以酬答者本從優厚迨其後或有及身緣事旋
被降削者或有子孫承襲更易封號者迄今平情準
理若不為之溯述闡揚追復舊恩於心實有所未愜
因念睿親王多爾袞當開國時首先統衆入關掃蕩
賊氛肅清宮禁分遣諸王追殲流寇撫定疆陲一切

創制規模皆所經畫尋即奉迎

世祖車駕入都定國開基以成一統之業厥功最著顧以攝政有年威福不無專擅諸王大臣未免畏而忌之遂致歿後為蘇克薩哈等所搆授款于其屬人首告誣以謀逆經諸王定罪除封其時我

世祖章皇帝實尚在沖齡未嘗親政也夫睿王果萌異志則方兵權在握何事不可為且吳三桂之所迎勝國舊臣之所奉止知有攝政王耳其勢更無難號召即

我滿洲大臣心存忠篤者自必不肯順從然彼誠圖
為不軌無難潛鋤異己以逞逆謀乃不於彼時因利
乘便直至身後以斂服僭用明黃龍袞指為覬覦之
證有是情理乎況英親王阿濟格其同母兄也於追
捕流賊回京時誣報李自成身死且不候

旨班師睿王即遣員斥責其非並免王公等往迎之禮又
因阿濟格出征時脅令巡撫李鑑釋免逮問道員及
擅至鄂爾多斯土默特取馬令議其罪降為郡王平

日辦理政務秉公持正若此是果有叛志無叛志乎
又

實錄載睿王集諸王貝勒貝子公大臣等遣人傳語曰今
觀諸王貝勒大臣但知諂媚於予未見有尊崇

皇上者予豈能容此昔

太宗升遐嗣君未立英王豫王跪請予即尊位予曰爾等
若如此予當自刎誓死不從遂奉

皇上繼承大統似此危疑之時以予為君子尚不可今乃

不敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗恩育予躬所以特異於諸子弟者蓋深信諸子之成立惟予能成立之每覽

實錄至此未嘗不為之墮淚則王之立心行事實能篤忠

盡感

厚恩深明君臣大義尤為史冊所罕覲使王彼時如宋太宗之處心積慮則豈肯復以死固辭而不為邪說搖惑耶乃令王之後久抱不白之冤於泉壤心甚憫焉假令當時王之逆跡稍有左驗削除之罪果出於我

世祖聖裁朕亦寧敢復翻成案乃實由宵小奸謀構成冤獄而王之政績載在

實錄者皆有大功而無叛逆之跡又豈可不為之昭雪乎

昨於乾隆三十八年因其塋域久荒特勅量為繕葺
並准其近支以時祭掃然以王之生平盡心王室尚
不足以慰彼成勞朕以為應加恩復還睿親王封號
追謚曰忠補入

玉牒並令補繼襲封照親王園寢制度修其塋墓仍令太
常寺春秋致祭其原傳尚有未經詳敘者並交國史
館恭照

實錄所載敬謹輯錄添補宗室王公功績傳用昭彰闡宗

勛至意

和碩豫親王多鐸諡通

康熙十年六月追諡

和碩肅親王豪格諡武

順治十三年九月追諡

和碩敬謹親王尼堪諡莊

順治十年十月追諡

追封和碩親王達爾罕巴圖魯貝勒舒爾哈齊諡

莊

順治十年五月追諡

追封和碩親王鎮國公祜塞諡忠順

順治十年五月追諡

臣等謹按親王諡例用一字

國初諸王惟忠順親王諡有二字者蓋由

賜諡在順治十年時追封為多羅郡王而郡王尚未定用

一字諡之例故諡號用二字與慧哲宣獻通達諸

郡王同康熙二十年始定例郡王亦用一字諡詳

具下多羅郡王條

和碩巽親王滿達海諡簡

順治十二年八月諡

和碩饒餘親王阿巴台諡敏

康熙十年六月追諡

和碩承澤親王碩色諡裕

康熙十年六月追諡

和碩襄親王博穆博果爾謚昭

康熙十年六月追謚

和碩穎親王薩哈廉謚毅

康熙十年六月追謚

和碩簡親王濟度謚純

康熙十年六月追謚

和碩敬謹親王尼實哈謚悼

康熙六年三月謚

和碩顯親王福壽謚懿

康熙九年二月謚

和碩簡親王德色謚慧

康熙九年四月謚

和碩純親王隆禧謚靖

康熙十八年七月謚

和碩安親王岳羅謚和

康熙二十八年閏三月謚

和碩康親王傑書謚良

康熙三十六年閏三月謚

和碩簡親王雅布謚修

康熙四十年十月謚

和碩顯親王丹臻謚密

康熙四十一年六月謚

和碩裕親王福全謚憲

康熙四十一年八月謚

和碩康親王椿泰謚悼

康熙四十八年六月謚

追封和碩簡親王巴爾堪謚武襄

雍正元年正月謚

臣等謹按簡親王巴爾堪本係輔國將軍其謚武

襄時追封為輔國公未封親王故用兩字謚

和碩莊親王博果鐸謚靖

雍正元年二月謚

追封和碩理親王允初謚密

雍正二年十二月謚

和碩淳親王允祐謚度

雍正四年四月謚

和碩怡親王允祥謚賢

雍正八年六月謚

雍正八年五月癸未禮部奏和碩怡親王薨逝恭
候

皇上特賜謚號勒石奉

旨怡親王之懿德鴻勲自應錫以上謚但恐一字不足以

彰王之美善古者有大功則賜之美號以表揚之朕曾
親書忠敬誠直勤慎廉明八字賜王字字皆王之實蹟
今應否於謚號之上加此八字取古人申錫美號之義
著大學士九卿會議具奏六月壬寅大學士九卿等遵
旨議奏怡親王忠孝居心恪勤為國

皇上篤念忠勲以一字未足以彰王之美善特欲將從前
御書賜王忠敬誠直勤慎廉明八字加於謚號之上洵乎
奉天道以彰善合人心之至公於古人申錫美號

之義實相符契至其一字之謚照例請

旨奉

諭旨怡親王申錫美號之典與古禮相符庶足表王生平之美善朕心深慰著依議行其一字之謚著宗人府會同大學士定議具奏是月丙辰宗人府奏怡親王一字之謚奉

旨仍令臣等集議臣等公擬謚法內可以包舉衆美者敬呈六字恭候

欽定奉

諭旨怡親王諡號著用賢字康熙六十一年十一月廷臣

公擬

皇考聖祖仁皇帝尊諡朕刺指血濡筆恭定今吾弟怡親王諡號朕滴淚研硃以定將此並諭王大臣等知之

和碩恒親王允祺諡溫

雍正十年五月諡

追封和碩簡親王巴賽諡襄愍

乾隆元年五月諡

臣等謹按簡親王巴賽係乾隆十八年追封親王

其諡襄愍以輔國公故用兩字諡

追封和碩親王福惠諡懷

雍正十三年十一月追諡

追封和碩親王弘暉諡端

雍正十三年十一月追諡

和碩果親王允禮諡毅

乾隆三年四月諡

和碩康親王冲安諡修

乾隆三年四月諡

追封和碩莊親王弘普諡恭勤

乾隆八年閏四月諡

和碩簡親王德沛諡儀

乾隆十七年九月諡

和碩康親王巴爾圖諡簡

乾隆十八年五月諡

和碩簡親王奇通阿謚勤

乾隆二十八年七月謚

和碩履親王允禔謚懿

乾隆二十八年九月謚

和碩莊親王允祿謚恪

乾隆三十二年三月謚

和碩和親王弘晝謚恭

乾隆三十五年八月謚

和碩顯親王衍潢謚謹

乾隆三十七年二月謚

和碩和親王永璧謚勤

乾隆三十七年四月謚

和碩誠親王允祕謚恪

乾隆三十八年十一月謚

和碩恒親王弘晈謚恪

乾隆四十年七月謚

和碩簡親王豐訥亨諡恪

乾隆四十一年二月諡

和碩肅親王蘊著諡勤

乾隆四十三年五月諡

和碩怡親王弘曉諡僖

乾隆四十三年五月諡

和碩鄭親王濟哈納諡恭

乾隆四十九年七月諡

多羅郡王諡

臣等謹按

國初諸郡王諡多用二字亦間有用一字者自康熙

二十年六月奉

聖祖仁皇帝諭追謚郡王滿漢文俱用一字後遂為定例

云

追封多羅郡王額爾袞謚慧哲

順治十年五月追謚

追封多羅郡王界堪謚宣獻

順治十年五月追謚

追封多羅郡王雅爾哈齊謚通達

順治十年五月追謚

多羅郡王塔爾納謚敏思

順治十年十月謚

多羅謙郡王幹克達謚襄

康熙十年六月追謚

多羅衍禧郡王羅羅琿謚介

康熙十年六月追謚

多羅敏郡王勒度諡簡

康熙十年六月追諡

多羅郡王精濟諡懷愍

康熙十年六月追諡

多羅順承郡王勒克德琿諡恭惠

康熙十年六月追諡

多羅溫郡王孟額諡良

康熙十三年七月諡

多羅溫郡王佛永輝諡哀

康熙十七年二月諡

多羅平郡王克鐸諡比

康熙二十一年七月諡

多羅平郡王納爾福諡悼

康熙四十年八月諡

多羅安郡王瑪爾琿諡愍

康熙四十八年十一月諡

多羅順承郡王諾羅布謚忠

康熙五十六年二月謚

多羅愉郡王允禩謚恪

雍正九年二月謚

多羅誠郡王允祉謚隱

乾隆二年九月謚

多羅順承郡王熙良謚恪

乾隆九年七月謚

追封多羅信郡王公依布謚恪勤

乾隆十一年閏三月謚

臣等謹按信恪勤郡王予謚時係輔國公是以用

二字謚

多羅平郡王福彭謚敏

乾隆十四年二月謚

多羅平郡王慶寧謚僖

乾隆十六年二月謚

多羅恂郡王允禔謚勤

乾隆二十四年四月謚

多羅順承郡王秦裴英阿謚恭

乾隆二十一年九月謚

多羅慎郡王允禧謚靖

乾隆二十三年七月謚

多羅信郡王德昭謚懿

乾隆二十七年五月謚

多羅寧郡王弘皎謚良

乾隆二十九年九月謚

多羅果郡王弘瞻謚恭

乾隆三十年四月謚

多羅愉郡王弘慶謚恭

乾隆三十五年十二月謚

多羅信郡王如松謚恪

乾隆三十六年正月謚

多羅和郡王繇倫謚謹

乾隆三十九年十二月謚

多羅淳郡王弘暉謚慎

乾隆四十二年九月謚

多羅順承郡王恒昌謚慎

乾隆四十三年三月謚

多羅克勤郡王慶恒謚良

乾隆四十四年三月謚

多羅理郡王弘曉謚恪

乾隆四十五年十月謚

郡王品級原封多羅貝勒允祁謚誠

乾隆五十年十月謚

臣等謹按康熙九年四月庚申宗人府等衙門題

前代舊制諸王薨逝將諡號載於封號之下本朝
現行例諸王薨逝給與諡號勒碑不將封號刊勒
恐後世之人難曉今臣等酌議薨逝諸王未與諡
號者應於封號下加諡號一字已與諡號者仍加
寫封號得

旨允行是書所纂以諡法為主故不與封號相聯屬云
親王世子諡

和碩鄭親王世子富爾敦諡愨厚

順治十四年十月諡

多羅貝勒諡

多羅貝勒喀爾楚琿諡顯榮

順治八年十一月諡

追封多羅貝勒卓禮克圖貝勒巴雅喇諡剛果

順治

十年五月追諡

追封多羅貝勒圖倫恪僖

順治十年五月追諡

追封多羅貝勒色桑古諡和惠

順治十年五月追諡

追封多羅貝勒輔國公篇古諡靖定

順治十年五月追諡

追封多羅貝勒塔察篇古諡恪恭

順治十年六月追諡

追封多羅貝勒青巴圖魯貝勒穆爾哈齊諡勇壯

順治十年
六月追諡

多羅貝勒呼實希諡剛毅

順治十四年十月諡

多羅貝勒都爾呼諡懋厚

順治十四年十月諡

多羅貝勒巴爾楚洪諡和惠

順治十四年十月諡

多羅貝勒齊克新諡懷思

順治十八年五月諡

多羅貝勒昌阿岱諡懷愍

康熙四年七月諡

多羅貝勒海山諡僖敏

乾隆四年四月諡

多羅貝勒允祜諡恭勤

乾隆九年四月諡

多羅貝勒領侍衛內大臣弘昇諡恭恪

乾隆十八年六月諡

多羅貝勒允禕諡簡靖

乾隆二十年三月諡

多羅貝勒弘明諡恭勤

乾隆三十二年三月諡

多羅貝勒永福諡恭恪

乾隆四十七年十月諡

固山貝子諡

追封固山貝子尚建諡賢懿

順治十年五月追諡

固山貝子博和託諡溫良

順治十一年三月諡

固山貝子蘇布圖謚悼愍

順治十一年三月謚

固山貝子努賽謚悼哀

順治十一年三月謚

固山貝子薩弼謚懷愍

順治十四年十月謚

固山貝子吳達海謚襄敏

順治十四年十月謚

固山貝子特爾呼謚恪僖

順治十五年三月謚

固山貝子敦達謚恪恭

康熙十三年十月謚

固山貝子富拉塔謚惠獻

康熙十七年六月謚

固山貝子固爾瑪琿謚溫簡

康熙二十年十一月謚

宗人府左宗人禮部尚書鎮國公贈貝子吞珠諡

恪敏

康熙五十七年九月諡

追封固山貝子鎮國公準達諡溫恪

雍正四年八月諡

奉恩鎮國公諡

追封鎮國公二等鎮國將軍阿拜諡勤敏

順治十年五月

追諡

鎮國公巴布台諡恪僖

順治十四年十月諡

鎮國公瑪珊諡懷儀

順治十五年二月諡

鎮國公僧額諡懷愍

順治十五年三月諡

鎮國公溫齊喀諡懷思

順治十五年三月諡

鎮國公古鼎諡悼愍

順治十五年三月諡

鎮國公瑪爾圖諡懷思

順治十五年六月諡

鎮國公果益諡端純

順治十八年二月諡

鎮國公拉都呼諡端純

順治十八年二月諡

鎮國公高色諡懋厚

康熙九年八月諡

鎮國公托克托慧諡純和

康熙十二年三月諡

黑龍江將軍鎮國公揚福諡襄毅

康熙五十四年十一月諡

鎮國公登色諡恪恭

雍正二年九月諡

鎮國公諾音托和諡恪順

乾隆五年二月諡

奉恩輔國公諡

追封輔國公三等輔國將軍塔拜諡愍厚

順治十年五月

追諡

追封輔國公奉恩將軍賴木布諡介直

順治十年五月追諡

追封輔國公達爾察諡剛毅

順治十年五月追諡

輔國公舒翁古圖諡懷思

順治十一年三月追諡

輔國公翁古諡懷愍

順治十四年十月追諡

輔國公錦柱諡懷儀

順治十四年十月追諡

輔國公海蘭諡愍厚

順治十四年十月追諡

輔國公實卜實倫諡悼愍

順治十四年十月追諡

輔國公翁武諡悼愍

順治十四年十月追諡

輔國公巴都海諡恪僖

順治十七年十月追諡

輔國公滿度諡懷思

順治十八年五月追諡

輔國公拉實塔謚恪僖

順治十八年五月謚

輔國公都倫謚懷愍

康熙三年四月追謚

輔國公穆琛謚愍厚

康熙十二年三月謚

宗人府右宗人輔國公都統幹珊謚襄敏

康熙二十四年

正月
謚

輔國公訥圖謚敦敏

乾隆二年閏九月謚

輔國公蘇爾禪謚簡恪

乾隆四年六月謚

輔國公裕綬謚敏恪

乾隆五年十二月謚

輔國公法爾善謚和愨

乾隆六年三月謚

輔國公璐達謚恭簡

乾隆六年六月謚

輔國公愛音圖謚敦敏

乾隆七年二月謚

輔國公魯彬謚恪思

乾隆八年十二月謚

輔國公齊努琿謚簡僖

乾隆九年九月謚

輔國公廣齡謚敦僖

乾隆十年十二月謚

輔國公吉存謚勤僖

乾隆十二年八月謚

輔國公逢信謚恭恪

乾隆十二年八月謚

輔國公伊爾登謚簡恪
乾隆十四年六月謚

輔國公弘暉謚恪僖
乾隆十五年九月謚

輔國公色爾臣謚溫僖
乾隆十六年二月謚

輔國公興寧謚勤僖
乾隆十八年十二月謚

輔國公誠保謚溫僖
乾隆十九年十二月謚

輔國公恒魯謚恭愍
乾隆三十七年八月謚

奉恩鎮國將軍謚

鎮國將軍唐古岱謚克潔
順治十一年三月謚

鎮國將軍穆爾察謚恪恭

順治十四年十月謚

三等鎮國將軍蘇赫謚懷思

順治十四年十月謚

奉恩輔國將軍謚

追封輔國將軍奉恩將軍范圖謚懷儀

順治十年五月追謚

追封輔國將軍奉恩將軍巴特瑪篇古謚悼殤

順治

十年五月追謚

三等輔國將軍色克圖謚懷儀

順治十四年十月追謚

三等輔國將軍色勒伯謚懷儀

順治十四年十月追謚

三等輔國將軍琶珀謚懷愍

順治十五年二月謚

三等輔國將軍都爾巴謚愍厚

順治十五年三月謚

三等輔國將軍巴喀謚懷思

順治十五年四月謚

輔國將軍干圖謚介直

順治十六年二月謚

輔國將軍恩克布謚溫僖

康熙二十六年六月謚

散秩大臣三等輔國將軍扎珊謚敏恪

康熙三十年九月

謚

輔國將軍福爾善謚溫僖

乾隆十年六月謚

奉國將軍謚

奉國將軍荊州將軍尚建寶謚勤儉

乾隆二十二年五月謚

奉恩將軍謚

奉恩將軍拉都海謚懷儀

順治十四年十月謚

皇朝通志卷五十